

NUNAVUT IGININATUNUT AULATYUTIT

UKIUMUN TUHAGAKHALIAT 2014/15



**Nunavut Igininaqtunut Aulatyutit  
2014-2015 Ukiumun Tuhagakhaliat**

**Titiqat Hunauyangi**

<b>TAIGUHIA</b>	<b>MAKPIGAQ</b>
<b>Uqauhilgat</b>	<b>3</b>
<b>Qanugilikallaktunut Kiinauyat Ikayutit Ihuaqhinit</b>	<b>4</b>
<b>Igininaqtut Aulani Ilihautit</b>	<b>4</b>
<b>Red Cross-kut</b>	<b>4</b>
<b>Aulatyut Nanook 2014</b>	<b>5-8</b>
<b>Nunalikni Igininaqtut Hugiaqnit Iqaluit Iqakuqvia Ikualania</b>	<b>8-9</b>
<b>Nunalikni Igininaqtut Hugiaqnit Mittimatalik Uqaqni Nunalikni Igininaqtut</b>	<b>9</b>
<b>Titiqat 1.0 Nunalikni Igininaqtut Hugiaqnit Upalungaiyautit Qanugitni</b>	<b>11</b>
<b>Qiniqtut Annaktuiyutlu</b>	<b>12</b>
<b>Ilihautit</b>	<b>12</b>
<b>Titiqat 2.0 Qiniqtut Annaktuiyutlu Kititaunit</b>	<b>13</b>
<b>Titiqat 3.0 Qanugilitnit Tatqiqhiutikkut</b>	<b>13</b>
<b>Titiqat 4.0 Qiniqtut Annaktitnilu akiliqtutit kiinauyaliqutit ukiunganut 2014/15</b>	<b>14</b>
<b>Titiqat 5.0 Qiniqtut Annaktitnilu Manikhait Tunityutitlu akiliqtutinut kiinauyaliqutit ukiunganut 2014/15</b>	<b>14</b>
<b>Ikayuqtut Quyagyauni</b>	<b>15</b>

## Uqauhilgat

Ilagiplugu tapkuat Timinga atuinaqtut pinahuaqpiqaqnit nakuuhivalliqni kivgaqtutit kivgaqtugauyunut piqatauyutlu tamna Minihitauyup Tukligiya atuqpaliyai tamna Timiuyumun havagutit naunaiyaqni. Qauymaiyuyut nanminilgit piqatauyut pigiaqninut tapkuat naunaiyautit tamnalu Hapuhimaninut Kivgaqtutit katittut tapkuatlu qauymaiyuyut hivulliqmik talvani Tisaipa 2013-mi. Atuqniani tamna ukiunga akhut naunaiyaiyut tamaitnik tapkuat havagiyayuyut pityuhit tapkuat havakviup. Tapkuat havangi havagiyailu atuni ilagiyai qanuqlu tahapkuat havangi ihuaqhihimayanghi ahiinut havakviuyut taphumani Timiuyumi naunaiyaqtauyut. Atuni ilagiyai tapkuat Hapuhimaninut Kivgaqtutit, Igininaqtut Aulataunit, Aapisia taphuma Qaptigiyini Ataniuyuyq tamnalu Hivuganaittut Ilagiyat piqatauyut tapkuat naunaiyautit allatqini pivigiyai atuqtitlugu tamna ukiunga.

Tamna naunaiyarniq kayuhititluvgu, uingaiqhimayuq tapkuat ahianguqnit piyalgit atuqnit tapkuat havakvit qanugitninut nakuuniqhamik ihuaqhiyanghi tapkununga ahii havagutai tapkuat timing nakuuniqhamiklu kivgaqtugiangi piqatauvikput. Atuni ilagiyai tapkuat Hapuhimani Kivgaqtutit pihimayut Aulatyutinut Makpigat piovaliatitni tapkuatlu Maligait naunaiqtauyut piqatigiplugit kitutliqak ahianguqni ilagiqniluniit tapkuat piqayat piyalgit.

Qauymaiyuyut tuniyai taphumunga Minihitauyup Tukligiya atugahuaqyaqtik tapkuat ihuaqhatqikhautainut piplugitlu atugahuaqunit tamna Minihitauyunut uuktugut tuniyayuq. Tamna uuktugut angiqtauyuyq Minihitauyunit talvani Fibruari 2015.

Nunavut Igininaqtunut Aulatyutit (NEM-ngi) pingurtoq ilikkuqtuq havakvik piplugu aturniqhaq havagiyai piplugu Igininaqtunut Aulatyutit tapkuatlu Qiniqtit Annaktitititlu. Tamna havat upalungaiyautit taphumunga 2015-16 is iniqtigakhai tamaita tapkuat Maligait atuqpalianilu tapkuat Atuqtauvaktut Aulatyutinut Pityuhit pivaliatitauhimayut ihuaqhatqikhaqninut havakvik.

## **Qanugilikallaktunut Kiinauyat Ikayutit Ihuaqhinit**

2014-mi tapkuat Kavamatuqatkut Kavamait tuhaqhityutigiya maniktakhat ahianguqnit tapkununga Qanugilikallaktut Kiinauyaliquitit Ikayugutit Ihuaqhiyaunit (DFAA-ngi). Tapkuat ahinaguqnit pipkaiyut anginiqhamik kiinauyaliquitit akhurnaqtut tapkununga Kavamatkut Nunavut piyaqaqni hatqiqata tunihiniq utiqtukhanik hivunikhani. Nunavut piqatigiplugit katutyiqativut Nunatagauyut huli pinahuaqpakniat tapkununga Kavamatuqatkut Kavamait utiqninut tapkununga atuqaqtut manikhanut ihuaqhainiqmik. Atuqhugit tapkuat nutat ihauqhihimanit piniaqta pingahuiyaqlugit ahivaiviuni aktilangi tapkuat Nunatagauyup pihimani tigumiagiaqaqta mikhigiaqnilu tapkuat aktilanga tapkuat utiqviulaqniyut atuqtitlugu ilitquhianut qanugiliqallaknit.

### **Igininaqtut Aulani Ilihautit**

Ilihautit tapkuninga Qanugilitnit Tiliuqnit Havagutit atuinaqtut talvani ukiungani. Upalungaiyaqtitluta taphuminga Aulatyut Nanook 2014, Hapuhimanit Kivgaqtutit piqatigiplugit ahii katutyiqativut piqatauyukhat talvani Aulatyutmi angiqhimayut tapkuat tiliugutit havagutit taphumunga Aulatyut Nanook atuqniat tapkununga Qanugilitnit Tiliugutit Havagutit. Havaktit tapkunani havakviani ilihagatigiya Inungnut Hivuganaitnit Kanata tapkuatlu Timingat Nunaqyuaqmi Anguyaktit (tapkuak malguk Kavamatuqatkut aturniqpak havakvik) atuqninut tapkuat tiliugutit havagutit atuqtitlugu tamna qaiyuq aulataunia.

### **Red Cross-kut**

Tamna angigut piyauyuq tapkununga Kanatamiuni Red Cross-kut ilihaiyitlu tapkununga Red Cross-kutnit ilihavaktut titigaqtaqtittugitlu Nunavummiut piplugit aaniqtuliginimun ilihaiyikhanik. Una pigiagut tapkuatlu qanugitnit havagutit piyauyut kinguagut haniani aittin tatqiqhiutit uqaqatigikni qanuqtut atuqpalianikhai taimaittut havagutit. Igininaqtunut Aulatyutit hagimagiqpiaqta una pitagaunia quyagiyumayatlu tamna Minihitayup Tukligiya tapkuat ikayugutit pipkaniptingnut una hivunmuktitnia.

Tamna havagut tuniyauyuq tapkununga Nunaliuyunut Ilihautit Timingat (MTO-kut) piqatigininutlu tahapkuat pivaliatitai tapkuat nunataqatauyunut timiuyut Nunavutmi pitquplugit pihimaligiakhaptingnik titigaqtaqhimayunik aaniqtuliginimun ilihaiyikhanik tamaitni nunaliuyuni hivunikhani.

Tapkuat MTO-kut tapkuatlu Red Cross-kut tatyavaktut titigartaqtitnianik ataniyuq ilihaiyi piyakhainik tapkuat titigartaqtqikhaqni ilihautinilu nutat ilihaiyit kayuhiyakhainik atquhugit Inuit ilihaiyit. Tamna Timinga Aaniaqtuliqiyikkut ikayuhimayuuq kipuktainiqmik aaniaqtailiniqmun taiguhit tapkuatlu Red Cross-kut pipkaqtatigut kipuktaqnit tapkuat Red Cross-kut aaniqtuliginimun kautuaqmiat hivuligutit Inuktitut. Iliharniq pipkaiyuq tapkuninga Red Cross-kut Aaniqtuliginimik havagutit ilihagatunut Nunavutmi, nigiyugiyauyuqlu tamna havagut takukhaupkainiaq angiyumik atuttiarnikhainik hivunikhani.

Nalvagumayugut ilagiagutikhanik maniktakhat pilagiakhaptingnik aaniqtuliquitit ilihainiq piyaulaqninik nunaliuyuni kimutliqak piyumayainut.

Pipkaqni kavamatkut timigiyai, nunataqatauyut ilagit, kavamaungittutlu timigiyai tahapkuatut Red Cross-kut atauhiqmun nakuuniqhamik kivgaqtuinit nunalikhnut Nunavutmi ilagiyat alinartuq atuqnia taphumani ukiumi tapkununga Igininaqtut Aulatyutai havaktigiyaunut tapkuatlu MTO-kut.

### **Aulatyut Nanook 2014**

Kinguagut nain tatqiqhiutit upalungaiyainiqmun katimanitlu, Aulatyut Nanook aturtuq talvanga Aagasi 22 tikitlugu 29, 2014. Tapkuat anginiqhat ilagiyai tapkuat atuqtaunit atuqtauyut talvani York Sound and intalvanilu Iqaluit.

Tamna ihumagiyauyuq tapkuat atuqtaunit pipkaqni Kavamatkut Nunavut Igininaqtut Aulatyutai havaqatigit uuktugaqni hivulirniqmun taphuminga Tamaita Kavamatkut (WoG-kut) hugiaqni tapkuat Qanugitnit Aulatyutit hulininut. Igininaqtut Aulatyutai hivuliqtuuyut pihimayutlu tamatkiknik hanavikmi qanugilitniq tiliuqnit tapkuatlu Igininaqtut Aulatyutit Havakvia tiliuqnit atulakniani tamna atuqtaunia. Havaqatigit tapkuat pingahut havaqatigit talvanga NEM-kut talvanittut havakvikmi talvani York Sound: tamna Qanugiliyunut Ataniuyuuq, Ihuaqhutinut Havakti tamnalu Hivuganaitniqnut Havakti. Tamna qanugilitninut Ataniuyuuq atuliqpaliyai Ikayuqtigit Tiliugutit tapkununga havakvikmi Ataniqpak talvanga Kanatamiuni Anguyaktit.



*EMO-kut havaqatigit atuliqtauyut talvani York Sound pigiaqningani tamna Aulatyut Nanook*

Kavamatuqatkut havakvit ilauyut tapkunani atuqtauyuni tapkuanguyut: Inungnut Hivuganaitnit Ukiurtaqtuq Avikhimaniani; Aulatyutiligiyyit Kanatami; Aulatyutiligiyyit Hivuganaitnit Katimayit; Kanatamiuni Kikligiyanut Munaqtit Havakviat; Ahiningaqtuligiyyit Kanatami; Kanatamiuni Tagiumi Munaqtiuyut; Nunaqaqaqtuligiyyit Ukiurtaqtumilu Pivaliyuligiyyit Kanatami; Avatiligiyyit Kanatami; Pilihimat 'V' Avikhimaniat; Kanatamiuni Anguyaktit ilagiyait; Kanatamiuni Unataqtukhagalaat (Nunavut); tapkuatlu havaktit talvanga Hivuliqti Kanatamun Aapisia.

Talvanag Kavamatkut Nunavut tahapkuat timiuyut tamaita piqatauyut angiyumik havagiyat; Aaniaqtailiyigiyyit, Nunaliit Avikhimaniani Inungnut Aaniaqtailiyigiyyit, Maligaligiyyit (Nunavut Tuquttuligiyyit Aapisia); Kavamaliqiyikkut; Qikqtani Aaniaqviat; Ukiurtaqtumi Mittaqtvit tapkuatlu Nunavut Avatiligiyyit.

Tamna Nunalipauya Iqaluit piqataukmiyuq piplugit havaktit tapkuat iguninaqtunut hugiaqnit havaqatigit tapkuatlu Qaptigiyyit Timingat. Amihut ahii kavamatkut timigiyyai timiuyutlu ilauyut ilagiyatluniit tapkuat upalungaiyainiqmun pityuhit. Avataani piplugit 10 ublut piqaqtuq 1500 inungnik ilauyulik nanmini q Nunavutmi amihutlu ahii Ottawami, Yellowknife ahiilu inigiyauyut havaktut akhutak tautugaungittumik ikayuqtuiplutik.



*Ququhuqtuq tupiq tamna Igininaqtut Aulatyutit Tiliuqviat havakvik talvani York Sound*



*Kanatamiuni Unataqtukhagalaat humitliqak Nunavutmin nautiumakhiyut havakviani talvani York Sound*

Tamna aturnqipaᑭ pinahuagat atuqtauniani tamna angiyumik pulaagaqtut umiaqpat tamna kalguayat piqaluyak itkalgittunilu, piqaqhimayuᑭ amihunik inungnik qayauyut.

Tapkuat Quinguyup Kanatamiuni Tingmitigiyai Anguyaktit pipkaqtat tapkuat Angiyunut Tingmitmi Qanugiliniat atuqtakhai tapkuat iukaupkaqtai Aaniaqvik/Uqquaq tapkununga 300 inungnut. Una atugakhat kihimiuyuᑭ taimaitunia tahamani North America-mi tamnalulu atugauyukhaᑭ talvani York Sound hivulliqmik atuqtukhaᑭ tahamani Ukiurtaqtumi. Qiniqtit Annaktititlu Pitquhiligiit talvunga iuakutmun ihuaqhaiyartuqtut pipkaiyutlu inuutyutikhanut ikayuqhiutini aaniqtunut.



Angiyumik Tingmitikkut Qanugilinit atuqtakhat atuqtauyut taphumanga CF-130 Uhiyiquuat Tingmit.



*Qiniqtit Annaktitititlu Pitquhiligiit iukautinut tikittut inigiyanun.*

Tapkuat Kanatamiuni Anguyaktit atuqtai havaktit tapkunanga Kanatamiuni Anguyaktit ilihavqianit aaninguaqtut tuqunganguaqtutlu inuit talvani York sound. Tapkuat aaniqhimayut nuktigaayut halikaaptakkut Iqaluitnut talvani tamna Qikqtani Aaniaqvia atuqtai amihuqpiat qanugilihimayunut pityuhit.

Tamna Tuquyuligiit Aapisia tikipkaqta Ikayuqtit Tuquyuligiit humilliqak tahamani nunaliit avikhimania pitaqtuq atuqhimanianik qanugiliuqnik taimaittut angiyumik qanugilihimayut huliniit.

Tapkuat ilagiyai Anguyaktit havaktit uhigiya ukaphunguaqtut tapkuat nuktigaayut Iqaluitnut talvani tamna Qanugiliyunut Tukligiya Ataniyuq tapkunanga Igininaqtut Aulatyutai piqatigiplugit havaktit talvanga nunalipauyanit Iqaluit, Timinga Aaniaqaqnanngittuliyikkut, Kanatamiuni Kikligiyanut Kivgaqtit Havakvia tapkuatlu Ahiningaqtut Kanata havaktai tapkuat uhiyut.

Una anginiqpauyuq unniqtuttiaqhimanipaqalu atuqtauniat aulatauyuuq Nunavutmi, tamna ilihautaunia atuqtaunialu pitagat havaktit tamaitni GN-kut timigiyaini ayyikkutaittuq. Tapkuat havaktit talvani Igininaqtut Aulatyutai ilitvigiyat amihunik atuqiaqtunik ilityutaayunik hivunmuktauniat atuqpiallugitlu hivunikhami.

### **Nunalikni Igininaqtut Hugiaqnit Iqaluit Iqakuqvia Ikualania**

Amihunit ilihimayauyuq, tamna auya 2014 atuinangittuq piplugu tamna Iqaluit Nunalipauya Nunami Iqakuqvia ikualahimakmat atulihagtitlugu Mai kayuhiplunilu auyaanut. Tamna Hivuliqti Hapuhimaninut Kivgaqtit ikhivautaliuqatauyuuq havaqatiginut ilagit naunaiyaqnianik tapkuat allatqit uuktugutaayut ikayuqnilu Nunalipauya q pinahuaqnik qaptiginiqmun ikualuayunik.



Tamna Ataniq Aaniaqtunut Havakti Aaniaqaqnagittuliyikkutni tikitauyuq pipkainianik aaniqtunut uqautyiniqmik tapkununga havaqatigit ilagit tapkuat Hivuganaqninut piqatauni puyuumun aqyatlu iukaqpalianinut hiamaknit. Havaqatigiplugit tapkuat Nunavut Avatiliqutinut havaktit tapkuatlu Kavamatuqatkut Timinga Avatiligiyyit hiamik munagutit hanalgutit tikitauyut iliyauplutiklu humutliqak nunalinganut Iqaluit. Atuqtitlugu tamna ikualaqnia tapkuat hilap nakuutiginia munagiyauyuq tamnalul Ataniuyuq Aaniaqtunut Havakti Aaniaqaqnagittuliyikkutni tunihiyuq uqautyiniqmik piyaqaligangat.

Ikayuqgahuaqhugu tamna Nunalipaulyaq pinahuaqnik qaptiginiqmik Nunalingni Kavamatkunnilu Pivikhaqautikkut tikipkaiyut pingahunik angiyunik pakpautinik avataanilu kilaamita tapkuninga 4 tamnalul 6 insit huylunik. Tahapkuat pingahut pakpautit, huylut atattailu piqatigiplugit ahiattauq pakpaut (tamna atuqtauyuq atuqtitlugu tamna Pangnirtung Igininaqtuq) atuqtauyut pakpaqninut imaqmik ikualayumun tamnalul ikualayuq hunat kuvigaqviuplutik ahivaqtigautitlugit qaligiktunit ilauqagauplutiklu ahianut nunamun.

Talvani Saptaiqa 16<sup>mi</sup> tamna iqakuqvik ikaulania uqaqtauyuq qamitaunianik. Amihut iliyutit ilaitviuyut kangiqhimaniptingnut angiyunut iqakuqvut ikualani hivuganaqnilu tapkuat hiamaktailinit nunami iqakuqviptingnut tapkuat pityutauyuq akhut hivuganaqninut inungnut aaniaqtailininut avatigiyauyumutlu.

Tamaita pinahuaqnit piyauyukhat tahapkununga nakuuyumik aulatauninut pitquhit tapkunani nunami iqakuqvut inigiyainut Nunavutmi. Tamna ikualaqtuq Iqaluitni kihimitungittuq nunami iqakuqvik ikaulayuq 2014-mi kihimik anginiqpamik aktuanilik tamatkiknut tahapkuat nunaliuyunut Iqaluitni avatigiyanutlu. Ayurnaqtuq kihimik taimailaqmiyuq huli, talvaniularniqhaq Iqaluitni ahianiunganit nunaliuyuni.

Atugahuaquyavut tapkuat tamaqmik nunaliuyut pihimayangi igininaqtunut upalungaiyautit piluaqtumik nunami iqakuqviknut hivuganaqnit ikaulayutlu tahapkuatlu upalungaiyautit uuktugaqtaunginaqlutik naunaiyaqlugitlu.

### **Nunalikni Igininaqtut Hugiaqnit Mittimatalik Uqaqni Nunalikni Igininaqtut**

Talvani Fibruari 11, 2015, tamna nunaliuyuq Mittimatalik uqaqtuq nunaliknut igininaqtumik. Piplugu qaphinik ingilgatyutinut ahiguqninut tamaitnut nunaliuyumi anaqtautit akhaluutit atulaiqhimaninut. Una pityutauyuq akhurnaqtunut aaniaqtailiniqmun hivuganaqninut angiyumiklu ihuityutaunit nunaliuyuni ilaayunut. Anaqtautit qattaqyuit pakpagaulaiqhimayut piplugitlu qattaqyuit ulivitnit nunaliuyutlu atulaiqhugit kuviyunik imigaulat imait.

Igininaqtunut Aulattiyit piyat tamna uqaqtaunia igininaqtunut qilamiklu katiqatigiyai tapkuat Nunavut Igininaqtunut Hugiaqnit Havaqatigit (NERT-kut),

tapkuat ilagit pinguqtauhimayut talvani Nunalingni Kavamatkunnilu Pivikhaqautikkut hugiaqnut tamna igininaqtunut Qanugitnit.

Pigaluaqtitlugu tamna nunaliuyuq tukhigaqnia nutamik anaqtautmik akhaluutmik tingmitikkuquiplutik nunaliuyunut una piyuminaitmat. Tamna anginiqpaq Hercules tingmit uhiyaqtup ukkuanga naamalaitmat anaqtautmun akhaluutmun; tamna akhaluut ituptigauyaqmat tuyutaulunilu avguqlugu tamna piyaqmat angiyuqpiamik hanalgutmik kiviktautmikluniit iviqtitigiami.

Tamna angiyunik hanalgutitik makaanik (sartuqtauuyuq talvanga Ottawa-min) qilamik naunaiyaigiaqtuq tapkuat hanalgutit ihuqhautikhainik. Ihuqhaiyukhat havaktit tapkunani NERT-kut havaqatigit atuqtai ikarniqnik amihunik hivayautikkut nalvagahuaqni himmaitikhat ilakhat tuyutaunikhailu qilamik talvanga nunaliuyumun. Tamna angiyut hanalgutit makaanik hanayai ahii Nunaliuyu7ni akhaluutit nunaliuyumi. Ilai tapkuat ilakhat piyalgit hanayaunianut talvangaqhimayut niginanit United States tamnal Mexico tapkuat tuyutauyut nalvagaugiamata Mittimatalikmun.

Tamna nunalikni taiyaunia igininaqtunut kikkilittutq talvani Fibruari 26.

**Titigat 1.0 Nunalikni Igininaqtut Hugiaqnit Upalungaiyautit Qanugitni**  
**(talvunga Matyi 31/15)**

<b>Nunaliuyuq</b>	<b>Ilihautit Iniqitut</b>	<b>Piqatauyut</b>	<b>Igininaqtunut Upalungaiyaut / Maligagalat Qanugitni</b>
Iqaluit	Tisaipa 2008	16	Iniqtauyuq /nutangurtuq
Kangiqhiniq	Matyi 2009	11	Iniqtauyuq
Ikaluktutiak	Mai 2009	19	Iniqtauyuq
Taloyoak	Aktuupa 2009	14	Iniqtauyuq
Kugluktuk	Aktuupa 2009	14	Iniqtauyuq
Tikigaqyuq	Nuvipa 2009	13	Iniqtauyuq
Qamanittuaq	Nuvipa 2009	12	Iniqtauyuq
Kugaaruk	Januari 2010	9	<b>Atuqtukhaq</b>
Uqhuqtuuq	Januari 2010	15	Iniqtauyuq
Nauyat	Matyi 2010	11	Iniqtauyuq
Arviat	Matyi 2010	10	Iniqtauyuq
Kimmirut	Aipuru 2010	12	Iniqtauyuq
Kingait	Mai 2010	14	Iniqtauyuq
Mittimatalik	Mai 2010	14	Utuqangurtuq/Tukhigauyuq nutanguqnia
Igloolik	Mai 2010	14	Iniqtauyuq
Hanigayak	Saptaipa 2010	12	Iniqtauyuq
Kangiqhugaapik	Saptaipa 2010	9	Iniqtauyuq
Salliq	Aktuupa 2010	15	Iniqtauyuq
Igluligaqyuk	Aktuupa 2010	9	Iniqtauyuq
Sanikiluaq	Tisaipa 2010	12	Iniqtauyuq / Tukhigauyuq nutanguqnia
Ikpiaqyuk	Januari 2011	14	Iniqtauyuq
Auhuittuq	Januari 2011	15	Iniqtauyuq
Qauhuittuq	Januari 2011	14	Iniqtauyuq
Pangnirtung	Fibruari 2011	17	<b>Atuqtukhaq</b>
Qikiqtarjuaq	Fibruari 2011	12	Iniqtauyuq

## **Qiniqtut Annaktuiyutlu**

Qiniqtit Annaktituyitlu huli aturniqpauyut hulinit tapkununga Hapuhimaninut Kivgaqtit havaktit. Aulatavut huli tamna 24/7 havat havakti havagutai pilagiakhaq hugiaqninik tapkuat qiniqtit annaktituyitlu tukhulauqnit. Ilaa takugaluqaqtitluta mikiyumik mikhigiaqnit qaphiuninut havakhat 2014-mi, tapkuat qaphiuni huli puqtuqpiagtut tapkuatlu katitlugit qaphiuni inuit hugiagutigiyavut ilavalliyyut.

Igininaqtunut Aulatyutit piyai ilagiagutit tapkununga qiniqtit annaktituyitlu maniktakhai tamna \$300,000.00 tapkuat katitlugu maniktakhat tamna \$350,000.00. Una manikhat akiliqtutauniat qiniqtut annaktituyitlu aulatyutai Nunavutmi.

Ilagiplugit tapkuat \$350,000.00 maniktakhaliuyugut taphuminga \$500,000.00 tamna iliyauyuq akiliqtuqinut tapkuat akitunit hanalgutit, Spot Atuligutainut akiliqtutit tapkuatlu Qangattaqhimayukkut hivayautit atuligutai atuqinutlu akiliqtutit. Pigiaqtavut havagutit himmauhiqinut ilia tapkuat utuqautqiyat Spot naqittalgit piniahugitlu hivunikhami qiniqni ahii tuhaumatyutit hanalgutit atulagiakhainik ilia nutaunihqat pitquhiliqutit ikayugiainik nunaliyyuqutivut piyaqaligangata.

Havaqatigiplugit tapkuat Qiniqtit Annaktuiyitlu Ikayuqtut Katimayit Kanatami (SARVAC-kut) iniqtavut tapkuat pivaliatitni nunaqyuaqmi titigaqat ilihautikhat ikayuqtiuyunut. Una titigartaq atuqtauvaknia hivuliyyuq taimaittunianik hilaquyami ihumagiyauplunilu amihunit nunaqyuanit atuqatuvaktunut maliktakhaq. Pigialiqtavut tatyavut havat ilihaituyitkhanut maligakhat ilihaiyakhaptingnik ikayuqtigiyaptingnut atugianga una atuqtauvaktut.

Nunavut tamnalu Nunavik hatqiqtitiyut avataanut 200 inungnik talvani qiniqtit annaktuiyutlu katimaqyuaqniani talvani Niagara Falls. Pinahuagavut tapkuat piyaqaqnit ataqtuhiyaligiangi tapkuat Tagiumi Munaqtiuyut Havaktiuyut tahamunga kivaliqhigiyainut Ukiurtaqtuq piyalgitlu tiliuqhimainaqtukhat tingmitikkut annaktuiyit ikayuqtit. Taimanga tamna hatqiqtitaunia tamatkikni nunagiyauyuni tugaqtauhimayut tapkununga Kanatamiuni Tagiumi Munaqtiuyut uqaqatigigiatqai qanuqtut ilagiagiakhainik tapkuat Havaktiuyut hunaniklu ikayugutikhat pilaqtavut pikpata tapkuat Kavamatuqatkut Kavamait ilagiqaqnit maniktakhat qaphiunilu havaktiuyut avikhimanit.

## **Ilihautit**

Huli uumani ukiumi, Nunavut Igininaqtunut Aulatyutit atuqpiagahuagai \$250,000 tapkununga Nunaliyyuni Ilihaituyitit Timinga (MTO-kut) tapkununga Atuqtauvaktut, Hivunmukhimayut Kamayiyutlu qiniqtit annaktuiyitlu ilihautinut. Tapkuat nunaliyyut qaphiunilu piqatauyut ilihaituyuyut unniqtutiaqhimayut talvani MTO-kut ukiumun tuhagakhaliat.

Tuhaqhitaunini aipangani tuhagakhaliat, tamna timing atuqtai nunaqyuaqmi tuhagakhaqaviat katitaunit. Pityutit atuqtauhimayut tapkununga tuhagakhat

pihimani piplugit atattaqinut ihuityutit nutanguqtaunilu tapkuat havagutit kikkilgit atuguptingnut. Qininaqtugut ahiinik atulaqnik tapkuat piyauninik tuhagakhaqutivut nuktiqinutlu tuhagakgat katitauni nunaliuyuni piyauninik.

Tapkuat katitlugit qaphiuni qanugilitnit unniqtutiaqnilu qanugilitnit taphumunga tatqiqhiutmi ukiungani nungutnianut Tisaipa 31, 2015 tahapkuanguyut (kititaunit katitauyut atuqhugit tapkuat nunaqyuaqmi Tuhagakhaqavut taphumunga tatqiqhiutanut ukiunga Januari 1 tikitlugu Tisaipa 31, 2014).

### **Titigat 2.0 Qiniqtut Annaktuiyutlu Kititaunit**

<b>Havakvigiyai</b>	<b>Katitlugit</b>
Tagiumi	43
Angunahuaqtut	97
Hiniktaqvut	3
Pihuktut	4
Hinaani Iqalukhiuqtut	2
Akhaluut/Akhaluutiqyuaq	2
Ahii/Ilihimmannaittut	66
<b>Katitlugit Havakvigiyai</b>	<b>217</b>

Ainiqnit atuqtauyut tapkununga avataani 450 inungnut; 50% tapkuat qiniqnit pihimayut naliaknut uqhuigutyunut ahigutyutluniit.

### **Titigat 3.0 Qanugilitnit Tatqiqhiutikkut**

<b>Havakvigiyai Tatqiqhiutikkut</b>	<b>Katitlugit</b>
Januari	14
Fibruari	12
Matyi	25
Aipuru	21
Mai	30
Juni	24
Julai	12
Aagasi	22
Saptaipa	14
Aktuupa	13
Nuvipa	12
Tisaipa	18
<b>Katitlugit Havakvigiyai</b>	<b>217</b>

Spot naqitakhat tapkualuniit Inmingnik Inigiyamun Tugagutit (PLB-ngi) piqaqtitat tapkuat GN-kut atuqtauyut tapkunani 89 qanugilitniuyuni (mikhaani 41% tapkuat tamaitni katitlugit havagiyaunit).

**Titigat 4.0 Qiniqtut Annaktitnilu akiliqtutit kiinauyaliqtutit ukiunganut 2014/15**

<b>Maniktat</b>	<b>\$300,000.00</b>
Tingmitit Sartugutit qiniqtunut annaktuiniqlu	\$63,835.54
Nualiyutlu Ikayuqtutai ilalgit akitunit nunaliuyuni tapkununga qiniqtut atuqtakhatlu tahapkuatut naalautit, spot tapkuatlu GPS-ngi himauhiqni	\$40,555.01
<b>Katitlugu</b>	<b>\$104,390.55</b>

**Titigat 5.0 Qiniqtut Annaktitnilu Manikhait Tunityutitlu akiliqtutit kiinauyaliqtutit ukiunganut 2014/15**

<b>Maniktat tunityutitlu Manikhait</b>	<b>\$500,000.00</b>
Nunaliuyut Ilihautai Timiuyut	\$250,000.00
Ukiumun Spot atuligutai akiliqtutit	\$ 56,243.75
Nuanliuyut Qangattaqtihimayut Hivayautit akiliqtutit	\$ 56,848.49
<b>Katitlugu</b>	<b>\$363,092.24</b>

## **Ikayuqtut Quyagiyaunit**

Tapkuat timingat quyagiyumaqpiatai tapkuat qiniqtit annaktuiyutlu ikayuqtuinit tahapkununga amigaitpiaqtunut ikaqnit atuqtai qiniqniqmun, ilaani akhurnaqpiaqtukkut hilami atqunilu ahii hivuganaqtut tamaitni qiniqtuni. Tahapkuat ikayuqtut annaktituyut hannanik inuuhiqnik atuqhugit pinahuaqpiqnit qinirniqmun annaktuiniqmutlu aularnit Nunavutmi.